

福建續志卷四十九

人物九

汀州府

宋

伍擇之字元賓寧化人祐之子皇祐進士授南豐簿
與曾鞏兄弟交好文彥博薦爲秘書少監尋以事
歸里元祐間復起長樂令時諸司酷暴醵刻者登
上考擇之曰以殘忍附上官吾不爲也解組歸縣志
鄭穆字應和長汀人立中子以父功調泰興令浚河
溉田二十頃再調定遠令梟逋寇葬枯骸丞常熟

福建續志

卷四十九

人物九

一

攝事有潰兵絕江由福山闖關單車撫定終徽州

通判

府志

張良裔字景先寧化人紹興五年進士調龍川簿未
赴以薦授武平丞會盜起單騎詣賊壘諭之賊感
泣散良裔父與秦檜同年進士諷之往謁良裔不

可終衡山丞

縣志

翁熙字正之長汀人淳熙二年進士除袁州戶曹平
反疑獄時稱明允守欲上其事辭曰受賞則置前
勘官何地被檄驗旱傷徒步阡陌歲饑歷鄉落勸
分富人廩以賑民賴全活任滿卒於官

閩書

王德欽長汀人祥興間除駕前指揮使帝昺沉厓口
時殉難

鄒麟原籍臨川人官杭州招撫使端宗卽位於福州
麟與兄鳳子冊勤王及文天祥敗鳳自刎麟頓家
清流從張世傑起兵負重傷歸卒子冊被執亦不

屈死

府志

明

陳詳上杭人永樂辛丑進士拜山西道御史有剛介
聲巡浙江兼按銀場詳條具得宜課比足而民咸
便之時雲南車里酋長構釁爭地勅詳往勘正之

福建續志

卷四十九

人物九

二

酋悔服貢白象方物於朝賜勞有加後致仕歸

府志

伍宗源字本澄寧化人永樂乙未進士授御史巡按
交南時交阯官吏多貪婪軍民疑貳黎利黨乘間
布浮言以圖興復宗源至宣諭上德糾墨吏數十
輩人乃帖服洪熙卽位賜嘉宴宣德元年遷浙江
叅議便道省親值邑大旱宗源徒跣祈禱雨大注

因感疾卒

府志

吳昺長汀人父廷輔令高要以事遣戍廣西馴象衛
昺從父於邊多知謀善武藝都御史韓雍召置幕
中征伐有功歷陞本衛指揮僉事子璫襲職

府志

謝道字宗魯寧化人成化間以貢授鳳翔懷遠經歷
遷歸善令時惠潮間草賊剽殺道變服雜行伍中
得要害設伏遣謀給賊出殲之旋致仕歸府志
楊漢字天章長汀人博學工文以詩經領宏治己酉
鄉薦試春官中乙榜授虹縣司訓未踰月兄濟卒
漢循次應襲祖官汀衛馳檄召遂解文秩補指揮
同知蒞政廉慎自持奏罷會昌戍卒增脩七門樓
櫓白冤抑補缺伍百廢具舉一境肅然檄攝銅山
小埕總寨海氛熾號稱險塞漢因俗爲治叅以古
法無不悅服性至孝內外艱躬營葬事野處盛寒

福建續志

卷四十九

人物九

三

不懈部卒有飛誣者以他罪至或請笞殺之漢不
可止論如法人推其雅量因清信豐屯田疾作卒
年四十四訃至軍皆巷哭爲位以奠瓊山沙廷梧
列狀請崇祀鄉賢名宦所著文四卷詩四卷奇句
二卷行於世縣志

周輅字文載上杭人宏治戊午舉人知上饒縣值歲
侵民多負逋輅力請減常賦三之二進邑諸生講
周易得其傳者甚衆陞惠州同知未赴以疾歸閩書

叅縣志

鍾文傑字邦臣長汀人文俊弟宏治壬戌進士授戶

部主事轉工部員外郎擢廣州知府有政聲時□
監潘忠橫恣每非禮相凌文傑不少屈忠亦□□
居官一廉自守留心政教竟以瘁卒於官兄文□
宏治癸丑進士歷官湖廣叅政所至廉謹寬厚卓
有贄聲書閩

邱道明道隆弟上杭人由歲貢歷杭州府同知有四
年清似水九縣煖如春之謠弟道充以貢判均州
時有獄久不決道充齋宿祝天忽有羊入訟庭□
於人叢中觸突一人執而訊之其人駭服民呼神
君志縣

福建續志

卷四十九

人物九

四

王瓊字良玉武平人以貢授南京兵馬司有從戎功
擢兵部主事奉勅叅贊軍務致政日奏築城遷學
邑人德之志府

雷顯祚寧化人少習制舉業值倭寇警乃潛心兵法
嘉靖丁巳廣寇攻縣身冒矢石相持十有七日後
以曾軻計擒之辛酉程鄉賊攻縣晝夜守禦經晝
月餘上佛狼機於邑令陳添祥賊乃遁萬歷元年
徵拜勲府教習多著軍功志縣

康憲字章甫長汀人嘉靖庚子舉人禮部司務總職
方條陳四事皆切時務出爲江西觀察使持憲紀

絕趨承有廉毅聲

縣志

趙鉞號懷泉長汀人嘉靖丙午舉人歷普寧長寧二縣築城有績陞應天通判理馬政奉勅督造黃冊有嚴明聲擢戶部出知武定府補思恩政持大體漢夷帖服致仕歸時連邑以浮糧派汀屬各邑力請得免七邑賴以甦

陰啓旦字希周寧化人以貢授郴州同知攝桂東安仁二縣篆所至皆有聲嘗曰勤見父老不聽吏胥衙弊可清一半會桂缺守獠官將爲變啓旦奉檄往鎮民大安集尋以署本州事召遷守正不阿有

福建續志

卷四十九

人物九

五

貴公子犯法以賂求免峻却之卒置之法陞衡州府丞未赴任引疾歸

縣志

羅舉字舜臣寧化人以貢授飛雄衛經歷遷元氏知縣因忤郡守坐謫民扣閭請留弗獲調廣西洛容縣寇犯城舉戎服先登諭以利害寇憚而退近彝諸鄉久不入賦舉詣其地折以大義尋咸感服有酋長互相仇殺將大陳兵舉親撫止之丁內艱服闋改湖廣桂東縣有兵備道潘某者怒其疆直委以事欲中傷之遂告老歸桂民立祠祀焉

府志

孔廷詔永定人由歲貢授平陽通判督修大同諸關

建營田五議賜金褒予擢知賓州改歲運大軍米三千石爲折色民咸便之著有東源稿三晉傳志府張恩字子榮上杭人萬歷丙子舉人授青州推官治獄明允出重繫二十五人調廉州檄審錄高廉雷瓊四郡有黃大滿兄弟三人以殺人罪誣服恩白其冤遷吉安同知却屯軍例金千兩旋告歸志府黃槐開字子虛寧化人萬歷甲午舉人授山東青州推官治獄多平反絕賄賂值青大饑民有相食者槐開乞請奏聞朝廷發金粟十數萬爲賑他郡皆設粥廠槐開慮就食者強弱相擠遠近不均且胥

福建續志

卷四十九

人物九

六

役中飽遂計口多寡散給銀粟其有不給者出罰鍰數百緡濟之存活以萬萬計以卓異徵竟爲讒忌者搆訐而歸著有天寶山人集在齊草錢神記心經述律陶纂等書志縣

陳鳴春號善吾長汀人萬歷己未進士授中書舍人晉戶部郎中督餉遼東管理御馬倉拒闖例商例弗受權河西務值歲歉賑饑瘞骸蠲峻征剔奸胥補工部出守河間正色率屬築堤勦寇遷關內道

□苑馬卿告歸

志府

陰維標字汝建興雍子萬歷丙午舉人授四川夾江

令時加派地畝夾江溢銀二千五百餘兩賦重民疲積逋累萬維標痛陳憊困狀乞捐除不許遂以征糧不及額罷民德之立祠以祀維標有祖墳爲人所盜又乘丙戌襲城之亂焚祠掠室備受荼毒當事得其寃將兵之維標爲請曰所與某梗者數輩耳大兵所加玉石何別力止之人益服其雅度

志府

蔡士箕長汀人普安衛經歷遷隴南守備日訓練士卒教以大義及步伐止齊之法天啓中進剿夷酋

陣亡

志縣

福建續志

卷四十九

人物九

七

李嘉諭歸化人以貢歷欽州學正交趾寇至城陷不

屈死

志縣

劉廷標字霞起上杭人三舉副車崇正庚辰由徵辟試永嘉丞邑多積逋廷標親至慰諭士民感奮知尊君親上之義不踰月而輸六千金遷永昌判別革糧弊治獄明決而歸於平恕合郡稱爲老佛順治三年粵西入版圖廷標爲詩四章見志自縊死子之謙以蔭授趙州學正遷戶部主事後亦死於

難

志縣

李魯字得之上杭人天啓甲子舉人崇正末山寇蜂

起魯條戰守議獻於朝後隱福員山邑令強之出魯椎心大哭血淚迸落久之聲氣不續絕吭而死

志縣

賴一鯉字雲吾由恩貢初任歸善縣丞陞陽山縣知縣嚴重自持按撫交委盤查他州縣杜絕私謁秉公不阿政暇多著作刻有釣民苦語遷王府正審

理府志

蕭熙正字瞿亭才思敏逸成進士文傳紙貴授令長沙事繁民悍肆決如流尤以雅厚善俗都人士化爲禮讓攝篆善化政亦如之以直行己志註誤歸

福建續志

卷四十九 人物九 八

志府

盧日就號斗儒永定人崇正癸酉舉人知廣西岑溪縣縣歲解牛判銀四百兩日就嚴禁屠牛每年捐俸陪解戢獐狃之雜處者勿爲民害終刑部主事

志府

鄒宗善字本初上杭郡庠生明亡走明倫堂痛哭歸伺家人睡熟書衣裾云先王之教曰忠曰孝聖賢之訓曰仁與義殺身成仁舍生取義孝子忠臣含笑相視衣冠自經死

志府

陳箴字獻可清流人崇正間以恩貢授慶雲令有惠

政值山寇猝至邑民奔遁箴曰守土之臣宜與城
共存歿矣城陷被執不屈而死志府

閔時字聖之汀州衛百戶丙戌唐藩奔汀王師追
之時守麗春門八月壬寅昧爽大師擁入時挺身
疾呼騎矢發洞胸死志縣

吳煌甲字愉之永定人崇正癸未進士知揭陽縣多
惠政歲大侵劉公顯叛以九軍圍城月餘煌甲日
夜防禦擊退之積勞成病力畫攻守數事而卒志府

李國英汀州衛人崇正中以勦寇功授守備鎮永定
明亡殉難

福建續志

卷四十九

人物九

九

巫知衡字宗岷寧化人以國學生授南海丞署海豐
化州篆有惠政後爲蒼梧令大師平粵西如衡
獨持印不納下廣州獄死子學展詣廣尋父骸骸
多不可辨刺血侵之卒得父骸而歸志府

黃廷柱字廻瀾歸化人以貢歷贛州教授甲申之變
廷柱正笏北面再拜死妻連氏亦以身殉衆義之
表爲雙節志府

黃應運字際飛歸化諸生崇正末入蜀署爲監紀推
官以平苗功陞平越知府孫可望據滇遣李定國
襲安順應運責以大義復說降之可望怒率兵攻

平越城陷不屈而死

吳世安字求寧歸化諸生徙居汀郡事母以孝聞楊廷麟一見奇之署爲監紀推官守贛城陷與楊廷麟萬元吉同日死

府志

謝國煊字進寶歸化人偉軀幹有膂力任御營前軍都督及明亡杜門不出其詩有大明宮殿鎖煙霞荆棘銅馱淚一車之句積憂疾而卒

府志

朱永盛汀州衛正千戶崇正間以勦寇功擢長寧營叅將封驃騎將軍守南贛王師壓境坐困三載同官皆降盛獨持不可曰世沐國恩偷生以饜富

福建續志

卷四十九

人物九

十

貴非夫也城陷延頸受戮神色自若贛人義之立

祠焉

縣志

張兆鳳長汀人進士錞姪也長身偉貌有力如虎使渾鐵刀重六十觔隨父兄讀書獨好談兵崇正壬午中武科癸未聯捷以遊擊叙用未赴任闖賊陷京師鳳得報大痛中夜飲泣不能語丙戌大定後當事聞其勇欲召見之鳳杜門不出強之至再辭曰吾故明進士受先代知遇不能樹尺寸恨死之晚也何面目出而相見乎束髮整冠遂投井死

府志

國朝

楊夢吉字允升上杭人順治辛卯舉人知常山縣奏蠲荒田四萬餘畝糧二千五百兩復築水碓草壩九十一所民蒙其利逃亡漸復在任五年引疾歸

志縣

郭連城字瑤公上杭人順治丁酉舉人任龍陽令有政聲吳三桂叛襲執之脅以官不屈承間走險歸

志縣

沈恩舉字登三連城人順治丁酉舉人知長洲縣縣稱繁劇賦至五十餘萬耗倍於正額胥吏因以爲奸恩舉至禁蠹役稽侵蝕蠲積賠革火耗賦清而

福建續志

卷四十九

人物九

十一

民無逋逃者聽訟平允絕苞直竿牘之弊去之日

民立祠以祀

志府

王權奇字漢傑清流人以貢授寧化教諭隨征廣東有功陞恩平令時海賊伍秀猖獗權奇率民兵奮擊力窮而死

志府

盧化字鯤浪長於詩文兼工書法舉康熙壬子鄉試知繁昌縣釐剔催科積弊不事鞭扑而逋累一空境內荒稷競糴者幾致攘奪化勸令富戶傾困出糴民遂安輯憂歸補任永壽立課程訓士鑿山泉灌田治績尤著治家一依禮法俸餘殖產分潤兄

弟及族之貧者間與二三舊交詩酒相娛有樂耕
堂遺稿孫銓自有傳鈞舉人志府

廖冀亨永定人康熙庚午舉人知吳縣值歲稔賑饑
寬賦全活無算尤善決獄摘奸發伏民無能欺之
者公餘課士躬自丹黃去之日邑人攀留數十里
建百花書院祀之志府

周夢錦字錫上寧化人康熙己卯舉人除令岑溪調
崇善建學宮設壺山書院邑人始知學擢安陸守
修堤有勞績時沔陽大饑夢錦捐俸倡賑存活甚
衆調蘇州禁奸吏革陋規以甦民困復調廣平以

福建續志

卷四十九

人物九

十二

老歸著有問心堂案牘六卷

志府

黎致遠字寧先長汀人康熙己丑進士授檢討典試
粵西視學兩楚抑奔競拔單寒時稱得人遷吏科
給事中密奏年羹堯事權太盛請加裁抑巡按湖
廣值靖苗怙險暴掠移檄粵黔會剿之寇平報政
命往雲南稽察河工錢糧累遷至大理寺卿己酉
典試江南旋授奉天府尹盛京刑部侍郎年五十
六卒志府
羅才徵字兼三長汀人康熙辛酉舉人授通道知縣
修學宮建義塾以教苗民懲獠之頑梗者苗地多

山教民種樹歲獲貲無算去之日祀名宦祠志府

鄒熊字渭賢清流人雍正癸卯舉人永壽知縣開水利絕需派歲饑買穀三百石勸賑卒於官貧不能

殮邑人賻助之志府

鄭宜字賡三父昌麟隱居教子宜登雍正甲辰進士授江西龍泉縣初蒞積案盈百判決如流匝月而衙署蕭閒遭秋潦爲災跪禱霖雨中水旋落嘗徒步阡陌慰勞農氓因以察知謠俗及山林奸宄故訟衰盜息以時延課生童手自甲乙解組歸泉人綜其政績曰治譜志府

福建續志

卷四十九 人物九

十三

福寧府

宋

鄭昭叔字顯仲寧德人太學舍選紹興間知仙遊潔己愛民爲政必先自反時朝廷下經界法昭叔讀未諳吏請行昭叔曰己尙未達何以使人閉閣覃思旬日通悟乃集同官折辯始定差役行事陳說大意使相論辯凡保正里甲無不悉曉其法然後敬遣度量他邑差役未定而仙遊已見次第矣朱考亭守漳州取其經界申諸上乞垂爲法告歸壽

九十六而終書閩

黃石孫字宗畧寧德人淳熙十四年武舉丞相趙汝愚見其狀貌魁俊議論英發以一世人物許之由黔陽尉特授興州機宜文字遷閣門舍人開禧丙寅選知兵才望之士護師江澣累官知高郵軍府志劉必成字興謀福安人徙崑山遊國學嘉熙初七士叩闈言事必成爲之倡七士俱預計偕必成武舉解元明年魁天下淳祐九年復中鎖廳以文武全才自負嘗兩入閣言邊事帝褒美行之知潯州湖南安撫副使有三分詩稿祀鄉賢府志

元

福建續志

卷四十九

人物九

十四

陳端孫字伯都霞浦人天錫嫡孫弱冠登武舉首選授總管府錄事四遷至福建宣尉都元帥鎮福清縣陳友定勒兵侵境端孫率衆拒之中流矢墜馬被執友定脅之使從端孫罵曰我家三世仕元肯從汝反乎友定怒殺之其妻孫氏抱女投井死祀

鄉賢

府志

明

薛貴琅寧德人洪武九年從軍滁州衛三十三年陣亡子斌以父功授本衛左所百戶調義勇衛後所

子醇襲

府志

謝福寓寧德人起行伍爲四川建昌行都司世襲千
戶遷雲南叅將平編夷以事下獄虜寇邊從獄中
上書願滅虜自贖有旨軍前効用後誅哮寇有功
名由是著府志

陳宗孟名公孫以字行寧德人永樂甲申進士孝友
雍睦廉慎磊落工詩賦爲秀才時上書陳五事於
都運譚公罷鹽場鄉人德之登第授易州賑荒剔
蠹州人咸悅著有約齋集子源清能繼父志尤篤
恩愛任萬全海寧衛知事指揮亂政緝其軍後致

仕歸閩書叅
府志

福建續志

卷四十九 人物九

十五

陳新字鼎夫福安人永樂甲午鄉舉嘗從楊文敏學
及楊入相足不履其門知海陽縣大布德惠時賦
重民困去其弊十餘條歲巡課農桑始終不倦孫
鑿字國器以選貢知建德興學養賢備潦救荒裸
夷犯境撫軍檄制戎事俘首千計述職兩度貧無
資斧時銓臣與魏璫忤疏其卓異不行而歸閩書
府志

韋榮進壽寧人吳金七鄭懷茂亂作進與劉良等十
三人討之捷賜冠帶及劉別差賊發進力戰陣潰

與子興死之府志

陳坡霞浦廩生以忠勇自誓嘉靖丙辰冬倭寇境坡
進勦小金師潰被害事聞贈本州同知祀之同邑
胡昇字彥明正德間勦海寇被殺

州志

郭大乾大科之弟庠生嘉靖間倭亂奮身射賊中炮
死祀忠節祠時諸生同禦倭者詹鎬字德武守南
門城陷罵賊不屈死陳魁梧守北門吳廷琪守南
門城陷抗賊被殺柳廷謨劉元錚並死祀忠節祠
劉中仰王天爵蕭九衢同教官程箕守西城死劉
公識高元澤高元涓陳學易同教官謝君錫守小
西門死吳廷爵守南門死郭廷作力戰北門死劉

福建續志

卷四十九

人物九

十六

元鐫劉元章陷賊死寧德余湖左庾陳以伸林鍾
彭嘉貞俱禦倭死難俱邑諸生也

州志

連邦琪字其玉福安人天啓甲子鄉舉親老不仕著
有介岩記鶯谷桃源行手集五經攝註制義聞香
草詮釋天下輿圖明亡殉節同殉者舉人繆士珣
方德新貢生郭邦雍陳翰迅劉思沛思沛中藻子
中藻死思沛曰父既立節子可不繼先志乎亦死
時稱畫網巾先生

州志

陳言寧德歲貢授北京大興衛經歷同時有崔廷復
者亦以歲貢授北京軍前衛經歷因本邑西陂浮

糧有賠累之害言議奏墾豁帝以小臣不當言事
廷杖下獄隆慶五年旨下有司查勘知州陸萬垓
知縣韓紹據實申覆議免驛站銀七百餘兩乃免
復其官鄉人感之志府
程伯簡霞浦人嘉靖丙辰倭入寇伯簡編甲伍選丁
壯守前塿弱者次之婦裹首運石傳餐倭攻七日
不下以二雲車薄城伯簡以木杈格之初以竹箭
射倭賊笑而不備既而銃矢並發盡殪賊乃宵遁
伯簡中矢石死城上分巡舒公恤其家鄉人李春
榮等爲立祠並祀共難四十餘人志府

福建續志

卷四十九

人物九

十七

陳得姚字仲虞號龍津寧德人天啓中選士授和州
同知崇正乙亥上官委以防海挾一僕往臘晦賊
寇和州和州牧黎宏業死得姚奔募鄉人退之因
署州篆又以經亂之後加意撫摩邑賴以蘇去之
日士民攀轅痛哭如失父母志府
黃師夔霞浦人天啓乙丑進士知古岡時邑中亡賴
藉荒稱亂蓄蠱害人與衙猾朋結三窟師夔薶剔
振興百姓戴之以政最陞知保定府清廉勤慎陞
諫議未任而卒祀鄉賢志府

黃朝鎮字安之壽寧人由歲貢初授歸安主簿轉曲

江縣丞尋陞惠來知縣廉明素著有囚張寶等二十餘命爲直其冤請豁圖籍數千戶立三華山鎮以靖山寇力勦海盜破朱良保之營事聞朝廷賞錫有加尋以艱歸士民思之

府志

王兆熊衛千戶籍孝友有大志嘗曰寧爲讀書士不作執戟郎以明經授浦城訓導李自成之變入山寺不食而死妻妾聞訃俱自經

府志

張鸞三福鼎人性果敢有勇力爲衆所推服明末海賊鄭芝龍入寇所在蹂躪一日忽千人來攻城鸞三等率衆悉力捍却之賊復由八都樟岐襲秦嶼

福建續志

卷四十九 人物九

十八

城破被執者四十三人皆死之後人立義勇祠於秦嶼北郭春秋享祀過者流涕餘人姓名附載

江右

熊壽三 李求利 陳柱邱 永涓 陳細 卞李 棟李 俊一
陳乞七 李呆五 李比李 頃李 外定 李秀 陳添 張養
陳黨九 陳晏郎 陳二孫 浩張 國葉 六李 潤陳 七七 郎陳 祖六
李松 陳九 晏郎 陳二 孫四 張國 葉六 祐張 孝七 李郎 陳祖 彥六
奇張 郎 賜子 雲秦 魁子 陳敬 回李 舜林 德化 李鳴
四陳 細 五陳 陳子 雲秦 魁子 陳敬 回李 舜林 德化 李鳴

國朝

柳上芝字聖生壽寧人雄才博學性至孝順治己丑由歲貢授巢縣丁父憂哀毀骨立服闋補興平縣廉靜清介聽斷明敏民圖像祀焉轉蘭陽縣政治一如興平民懷其德以忤當事拂袖歸著有梅村

拙稿記遊詩集志府

崔秉鏡字去塵寧德人順治丁酉鄉舉知寧海縣耿
逆之變王師過寧公備械運糧躬率守防諸邑遭
燹獨寧免焉難平力請賑衆已爲捐祿購虜掠諸
婦各令歸寧人德之特建報功祠祀名宦志州
陳鳴壩字器之寧德人康熙癸卯鄉舉耿逆變作檄
徵不應庚申擢知桃源值天兵征滇黔羽檄交
馳芻運日迫瑯晝理民事夜籌軍餉暇則詣黌宮
召諸生講學免官之日圖書兩篋而已著有問津

草桃源集志府

福建續志

卷四十九

人物九

十九

陳端現性剛直膂力過人與林允忠服賈福州耿逆
爲亂陷賊中誘以僞爵不屈罵賊死志府

王廣字碩夫霞浦人年十四食餼康熙辛酉鄉薦授
羅川教建文昌祠課士以品行爲先母喪服闋再
授燕江鐸初燕江百姓非保甲不得婚姻公請令
剔之士有兄弟爭訟公諭以孝弟感泣去其貧者
助以資脯癸酉浙江分闈所得盡知名士後授溫
陵教授病歸燕江士人繪圖賦詩立石於學宮著
有息軒吟見山咏志府

吳廷琪字瑜友霞浦人少穎異過目成誦居家以孝

友聞自閩遊吳會師長洲韓菼康熙甲戌成進士
知廣東靈山縣修學校葺城垣廉靜清正巡撫彭
鵬薦舉卓異方報遷以勞卒於官囊無餘資都人
土醵金送其喪歸祀鄉賢志府
吳瑞焉字象真福安人康熙丙戌進士選中書舍人
未補歸與蔡世遠校書鼇峰書院後歷棗陽縣累
署新河冀州有政績運糧西域軍功紀錄工書善
吟著湖山且吟三山存稿塞行雜咏塞行日記且
暇吟諸集志府

臺灣府

福建續志

卷四十九 人物九 二十

國朝

陳致遠字子靜臺灣人康熙二十二年以軍功署叅
將協贊水師提督施平臺衝鋒陷陣攻克澎湖平
臺後留致遠安插民居將所給銀兩募佃開墾田
園二萬餘畝陞臺灣鎮標左營遊擊尋陞瑞安副
將以年老休致子應橙天杓以平朱一貴功加署
都司志府
王作興臺灣人諳熟水務康熙六十年提督施世驃
征臺作興泅水至鹿耳門插標引大師進港以功
加署都司僉書累陞南澳遊擊乾隆四年調安平

中營卒於官

志府

黃廣諸羅人事母孝雍正八年居遭回祿廣與母妻俱出走惟少妹在內母憐女復反廣懼急隨入救母妻慮夫同焚力挽止廣輒推妻於港遂與母同死火中妻爲舟人急拯得不死痛姑與夫俱喪仍投港復爲鄉人救甦有司給銀優恤之

志府

王鳳來字瑞周號竹山臺灣人由歲貢補漳平司訓整飭規條示諸生以敦倫樹品之道秩滿入都歸會臺變上書制府陳征勦策寇平復北上補蘇州督糧水利同知監兌漕糧殫精剔弊奉押漕運盡

福建續志

卷四十九 人物九

二十一

革陋規復督採捍海塘石檄勘大倉州水災改河南懷慶知府遷兵部武選司員外郎歷官三十餘載年六十有五卒

志縣

永春州

宋

留恭字伯禮永春人正長子通判廣州秩滿知南康軍其政以朱文公爲法提舉浙西常平境內大饑悉力賑恤全活數十萬人知紹興府蠲租省役罷遊宴絕餽遺杜請謁號稱循吏知廣東徭寇竊發捕降其豪酋平四十四峒以直徽猷閣奉祀起建

寧府卒贈秘閣修撰弟籛字端父碩字季鷹□爲
司農氏丞使金察其勢必亡陳備邊五策碩知南
恩州乞刺填軍額以備不虞知岳州講荒政閣租
稅皆有循聲舊邑志

顏橐字養正棫族弟開禧乙丑進士歷藤州教授會
昌南海南康令通判循州知梅州贛寇陳三總率
衆萬人逼梅城四十二日橐激厲將士分隔拒守
又合衆船布水陣攢矢射之賊遁去當道上其功
會病卒舊邑志

留元剛字茂潛恭子開禧二年試博學宏詞除國子

福建續志

卷四十九

人物九

二十二

錄嘉定初遷秘閣校理累遷直學士院尋遷軍器
少監權起居舍人元剛言國朝左右史立御座後
今廼立朶殿之東乞復侍立修明舊法以內艱去
起知温州勤恤民隱百廢俱舉移知贛州罷歸卒
嘗言今日有貧國貧民而無貧士大夫以大用自
擬已廼鬱鬱不樂築圃北山號雲麓吟適其間有
雲麓集舊邑志

黃東老永春人寶慶中任武平令盜發江閩與尉鍾
百福率民兵拒敵死之事聞官其後一人時同邑
陳士英山寇犯境奮擊力不敵死之卓子信率民

兵前與寇戰被擒剛勇不屈遇害

書閩

蘇十萬德化人欽裔孫宋亡破家募義兵拒元屯駐天平城羅城諸山後戰敗於水府被殺挺立不仆血漬石上朱殷不滅邑人建水府廟祀之同邑陳蔚德與元兵戰既被害猶馬上馳歸至南關首墜過東關下馬尸猶挺立邑人立廟其地以祀

德化縣志

明

黃永永春人少爲邑庠生洪武中通學諸生訐奏教諭被逮至京悉革爲民永時髫年得發戶部充吏因典簿書習法律部尙書奇之以人材舉授本部

福建續志

卷四十九

人物九

二十三

主事陞員外郎出爲寧北知府以最調守湖州歲饑設法賑貸以餘閒修水利歲豐倍入復調廣信勤民勵節終始不渝致仕歸

書閩

凌輝字邦輝德化人永樂壬辰進士授監察御史以風采著出爲江西按察副使儆官邪明憲度安民正俗振飭風紀明代邑人登進士自輝始

書閩

林茂字盛之德化人貢生知廣東儋州民愛戴之若父母丁內艱服闋補廣西吉州知州值己巳之變

蒙難輸邊死於王事

志縣

郭榮六永春人智勇絕倫少習兵法正統末四方寇

發尤麟兒聘榮六教子弟鄉人以攻刺之法沙寇
鄧茂七起麟兒率衆築寨守於白鶴山陳敬德來
寇榮六引精兵逆於小尤中大敗賊榮六被流矢
輿歸賊聞其死復攻之榮六裹瘡督戰賊大駭引
去是年八月賊衆數千劄小姑榮六計曰賊衆我
寡當以智勝陳官兵釘嶺東身引兵從西北疾走
穿賊中出釘嶺與官兵合伺賊至半嶺反兵向之
嶺窄陳弗能列榮六號衆曰機在是矣乃引兵渡
小坑直趨嶺下賊逆擊榮六佯敗走賊逐之至釘
嶺橋榮六反兵逆擊官兵從之皆殊死戰賊盡殲

福建續志

卷四十九

人物九

二十四

焉復攻破賊壘於南安上塔前後凡十八戰皆捷
賊斂兵不敢犯永春榮六子景二正德間流賊至
景二率輕兵逆之大殺賊衆乘勝深入後援弗至
戰歿從死者十二人同邑潘學嘉靖間流賊寇德
化學率鄉兵擒斬無遺後奮志擊賊戰死

閩書參
邑志

郭延壽大田人故富家子倜儻不羈與蔣伯良深相
結鄧茂七之亂率鄉兵戰甚銳追賊至沙之小桐
洋伏發力戰死伯良求得其尸引其髮長至踝具

棺殮葬之

縣志

蔣倫伯良族子以勇聞嘉靖間盜攻尤溪倫逆戰於

烏坑遇害弟瑞痛其兄之亡亦赴敵死縣志

劉趙珪大田人時汀寇焚掠趙珪與弟趙玲友蕭軒一拒戰頗有斬獲後陣亡子世纓痛父之亡亦持戈赴敵死時陳永居遇漳寇至遣二姪先逃以身當賊弗屈罵賊死邑志

劉應望字思儼永春人隆慶戊辰進士知吳縣海瑞獎薦之與清廉宴邑有織造中官倨甚應望獨備賓主禮舉人趙用贇以冤誣繫獄辯出之左遷池州郡同入爲刑部郎以忤當事謫判大名府改寶慶同知擢知廣州府發奸摘伏郡稱神明歸惟圖

福建續志

卷四十九 人物九

二十五

書數卷山人黃克晦作琴鶴自隨圖以贈舊邑志

張士賓字公仕德化人入貲爲國子生就銓涿州同知遷大寧都司斷事擲組徑歸涿州畿輔重地冠蓋絡繹貂璫據其中最易執法士賓不茹不吐罪有不麗雖勢如山不爲動州大水漂沒民田士賓乘小舟親行勘視州民百人腰大瓢尾其後懼不虞也士賓視有災傷卽請當道蠲其租之半閩書

林棟字隆甫德化人歲貢生知樂會縣值粵寇猖獗抗守孤城設奇布伏巨魁殲焉當道妄殺要功棟釋平民千餘以抗忤被逮得白陞荆府審理不赴

歸弟樞歲貢生授南陵令以廉惠稱著有驪歌集

一 嚳篇

縣志

周盛典字恒正永春人貢生知和平令擒九連寇陳萬鍾靈秀等有功詔加知府服俸時議没人賊田盛典嘆曰有田者非賊爲賊者無田是殘喘餘黎賴以生者可令其向沒於賊今復爲賊沒於官耶持不可免官歸子鳴鹿萬歷戊午舉人讓產於弟以友愛稱

舊邑志

顏垓字宇肩德化人天啓戊辰進士除平湖縣却湖稅溢額銀節省海塘濫費汰冗役峙義廩修梁庄

福建續志

卷四十九

人物九

二十六

建倉儲置義塚釐剔私鹺覈清軍產召對稱旨擢翰林院簡討轉右春坊命侍東宮講學晉階宗伯學士明亡不仕有文集若干卷

州志

國朝

鄧孕槐字台生德化人明庚午舉人順治間授推官擢御史按江南屯田時真定等十四州縣兵亂之後逋逃者多丁產貽累乃上痛哭一疏得旨蠲免民獲更生丁內艱歸卒

縣志

溫榮三大田人國初寇作榮三與戰死焉時同被難者又有楊連五林聯四張正元林阿相吳子華

樂阿蒼林爾英曹景二陳永三葉紹薇章標九饒
別我吳春榮田阿貞葉三品林阿先張顯忠鄭思
高蔡子星陳宗興陳我宇劉阿壽二十二人志州
林興珠字而樑永春人倜儻有智計少時不逞順治
間歸誠授福寧總兵左遷副總調長州值吳三桂
亂棄家歸京師封見義侯滇南底定授鑾儀衛鑾
儀使征羅又有功官其子三人旋落職從征厄魯
特歸復其官卒志州
李道泰字子交德化人順治辛丑進士除建昌縣時
吳逆倡亂山寇竊發道泰設法勦捕城賴以完移

福建續志

卷四十九

人物九

二十七

郡丞過鄱陽逆浪折舵胥役鼓小艇請避却之曰
同舟共濟豈吾獨安耶竟不動擢開化知府除供
應陋規建學以教夷民時邊徼新拓多掠買湖南
幼穉爲養卒道泰給資斧放歸卒於官著有纓溪
文集籀書響草剩園四草南州耳鳴集滇行草志縣
黃龍字見侯永春人初從戎破江機楊一豹征僞藩
朱統錮隨撫軍吳興祚復永德解泉圍敗海寇於
江東克金厦取南日海壇諸島屢有功授海州遊
擊擢太平府叅將晉虎頭門副將終南澳總兵官

子文暉戶部郎中

志邑

顏奇宿字應侯永春人康熙壬午舉人知平遠縣口
義學修縣志革里役除耗羨歲饑賑貸全活無算
有勢弁焚隣居擄其女而污之奇宿擒置之法告
歸卒著有四書解醒續邑志
王廷聘字莘孺永春人康熙己酉舉人除井研縣招
撫流民無失所者適有增賦之議力請薄征擢大
興縣有政聲終東城兵馬司指揮續邑志

龍巖州

宋

龔原字安道其先邵武人宋太宗時御史穎之後也

福建續志

卷四十九

人物九

二十八

徙居龍巖登熙寧進士歷國子司業朝奉郎知連
州累贈通議大夫元豐間朝廷方以財用爲急所
在皆務峻刻以希上意原獨寬平不迫民德之子
時可舉紹興特科知寧德安溪二縣克登宣和進
士任潮州推官時升入國學孫增登乾道進士授
新州教官曾孫惟叙嘉泰特科任貴州推官五世
孫頥登淳祐進士任莆田尉見一統志祀鄉賢州志
明
林瑜字子潤龍巖人洪武中以太學生授五軍右斷
亭讞獄多平陞江西僉事轉副使聲望彌著時湖

廣長沙寇亂瑜兩奉詔往撫之咸推誠得副所口
歷陞浙江左叅政踰年卒於官民思慕之瑜居官
二十餘年自奉無異韋布每誦汪信民咬菜根之
言自勵性和厚樂易用法平恕所至以禮賢雪獄
安民爲先見一統志及金幼孜墓表楊士奇誌銘
祀鄉賢州志

邱昂字致謙龍巖人由太學生授岳州通判賑饑活
民奏免歷年逋稅在任七年清譽顯著以外艱歸
起復補揚州時巖經沙寇亂後昂奏請築城調官
軍守禦并議設汀漳兵巡道疏擢順天府治中致

福建續志

卷四十九

人物九

二十九

仕母章氏年九十雙瞽扶持不離膝下傾俸餘修
先塋立祭田第宅與兄弟子姪同居州志

陳和字廷雍龍巖人宏治進士知桐廬縣報最擢南
京監察御史按治有聲遷河南僉事以撫民平寇
功受欽賞陞山東副使徐揚等處兵備所至問民
疾苦折獄慎刑未幾以疾乞歸嘉靖間起補湖廣
副使未行卒和志趣高潔清儉恭謹自題有兩字
平安天地佑一生清白鬼神知之句士大夫咸稱
爲真清白吏云祀鄉賢州志

王以通字太拙龍巖人萬歷進士授南城知縣以善

政擢南御史轉瑞州知府疏請減高安浮糧五萬
餘石不報改韶州知府陞楚臬前後執法不阿人
皆憚其風軌無敢犯者居鄉溫厚治家不侈年八
十三而卒祀鄉賢

州志

鄧林字喬柱寧洋人泰昌恩貢授雲南楚雄府推官
居滇八載慎獄詳刑歷膺上薦署楚雄姚安大理
永昌四府篆及騰越州琅井諸務所在著令名宦
橐如洗陞陝西西寧知州蒞任甫七月流寇猖獗
指畫守禦焦勞成疾卒於官

州志

陳王綸字東石龍巖人崇正丁丑歲貢授雩都教諭

福建續志

卷四十九

人物九

三十

勤以課士署本縣篆廉潔正直有濟變才時強寇
謝志良等肆掠率精銳勦之及張獻忠寇城百姓
請暫歸順免難王綸勵色叱止率衆櫻城死守卒
無恙以全城功晉階儒林郎六品秩致仕歸

州志

國朝

吳材字豫木寧洋人汝宗之子少卽自拔於俗受知
於學使吳自洙試第一領恩薦順治丁酉舉於鄉
辛丑成進士授大城令會水災力墾題請蠲賑民
德之大司空劉公愚爲碑記致政歸構別墅課子
弟不事干謁至邑有利弊力爲指陳而未嘗汲汲

自明年七十而卒

州志

鄭玟字伯潤龍巖人康熙庚午舉人除三水令有循聲築堤岸以興水利建書院以振士風請蠲免錢糧以恤災黎在任十二載以母老乞歸生平崇尚正學兼工詩古文詞嘗編輯程氏日程呂氏鄉約等書以教後進所著有文鈔詩鈔刊行

州志

福建續志卷四十九終

福建續志

卷四十九

人物九

三十一